



Republika e Kosovës  
Republika Kosova - Republic of Kosovo  
Qeveria - Vlada - Government

Ministria e Punës dhe Mirëqenies Sociale  
Ministarstvo za Rad i Socijalne Zaštite  
Ministry of Labour and Social Welfare



AGJENCIA E PUNËSIMIT E REPUBLIKËS SË KOSOVËS  
AGENCIJA ZA ZAPOŠLJAVANJE REPUBLIKE KOSOVA  
EMPLOYMENT AGENCY OF THE REPUBLIC OF KOSOVO

06/08/2020

## PROGRAMI I VETËPUNËSIMIT PËR PERSONA TË RIATDHESUAR

### Thirrje për Aplikim

Ministria e Punës dhe Mirëqenies Sociale (MPMS)- Agjencia e Punësimit e Republikës së Kosovës (APRK) në bashkëpunim me Programin për Zhvillim të Kombeve të Bashkuara (UNDP), mbështetur nga Ministria e Punëve të Brendshme (MPB), Departamenti për Riintegrimin e Personave të Riatdhesuar (DRPR) shpallin thirrjen e hapur për personat e riatdhesuar për vitin 2020 për dorëzimin e aplikacioneve për hapjen e bizneseve me mbështetje me mjete/pajisje teknike në kuadër të Programit të Vetëpunësimit.

### Rreth Programit të Vetëpunësimit

Qëllimi i Programit të Vetëpunësimit është të mbështesë personat e riatdhesuar të regjistruar të papunë në krijimin e planeve të realizueshme të biznesit që janë në gjendje t'i mbijetojnë tregut konkurrues duke promovuar vetëpunësimin si masë aktive të tregut të punës. Mbështetja me grante do të ofrojë mjete/pajisje teknike për realizimin e Planit të Biznesit.

Programi në vazhdimësi do të asistojë në zhvillimin e biznesit përmes këshillimit për t'i ndihmuar personat e riatdhesuar e të papunë me kualifikime të orientuar për të qenë të suksesshëm në fushën e zgjedhur. Programi i prezentuar i vetëpunësimit është program konkurrues për të garantuar kthimin më të lartë të mundshëm të investimit. Procesi i përzgjedhjes ka për qëllim të sigurojë transparencë dhe konkurrencë të drejtë dhe t'i mbështesë idetë dhe planet më të mira të biznesit që garantojnë rezultate të qëndrueshme.

### Mbështetja nga programi

Qëllimi i Programit është që të sigurojë mbështetje hap-pas-hapi për planet e biznesit që kanë mundësinë më të madhe të arrijnë sukses dhe të përballen me barrierat e ndryshme të tregut. Për këto qëllime Programi është ndarë në këto faza:

**Faza e parë:** Pjesëmarrësit e kualifikuar fillimisht aplikojnë me planin e tyre të biznesit përmes formularit të aplikimit (planin e biznesit) duke bashklidhur dokumentet përcjellëse, të cilin e dorëzojnë online përmes postes elektronike (almp.ks@undp.org). Komisioni i verifikimit administrativ vendosë nëse plani i biznesit të secilit aplikant plotëson kriteret për të kaluar në fazën e dytë, në vlerësimin e ekspertëve.

**Faza e dytë:** Aplikantët që kalojnë me sukses fazën e verifikimit administrativ, vlerësohen në aspektin teknik nga ana e ekspertëve, ku plani i biznesit vlerësohet në bazë të kriterëve të programit. Përgjatë fazës së vlerësimit merren parasysh pikëpamjet përmbajtësore të planit, lidhshmëria me referencat, përvojën e punës, certifikimin e aftësive, parashikimet financiare dhe hulumtimet e tregut. Kjo fazë përbën një proces konkurrues, ku planet e biznesit me më së shumti pikë, kalojnë në fazën e intervistimit.

**Faza e tretë:** Aplikantët që kalojnë me sukses fazën e vlerësimit teknik, kualifikohen për në fazën e tretë të vlerësimit – intervistimit. Aplikantët ftohen personalisht në intervistë online për t'u verifikuar plani përkatës i biznesit si dhe realizimin e tij. Nëse kërkohen informata plotësuese për planin e biznesit, kandidatët mund të dërgojnë informata shtesë nëpërmjet e-mailit tek programi. Pas konfirmimit të të gjitha informatave merret vendimi final nga komisioni.

**Faza e katërt:** Shpallja e rezultateve finale dhe procedurat e regjistrimit të biznesit.

Planet e biznesit **të pa pranueshme** për të marrë pjesë në Program janë:

- të gjitha llojet e veprimtarive në kuadër të sektorit primar të **bujqësisë ose blegtorisë**;
- të gjitha llojet e veprimtarive të cilat nuk janë të shtojcën Nr. 1 të kësaj thirrjeje;
- veprimtaritë me patundshmëri, lizing;
- veprimtaritë financiare dhe të sigurimeve dhe veprimtaritë që përfshijnë bixhozin;
- prodhimi i pijeve me përmbajtje të lartë të alkoolit;
- prodhimi i produkteve të duhanit;
- prodhimi dhe shpërndarja e armëve;
- prodhimi që përdor teknologji që çojnë në ndotje të mjedisit (si ndotje të ajrit, ujit, tokës etj.);
- bizneset joformale;
- bizneset ekzistuese – të regjistruara në ARBK;
- aktivitete biznesore nga sektori i tregëtisë.

### **Aplikantët e pranueshëm**

Të gjithë aplikantët e interesuar për tu kualifikuar për aplikim, duhet të jenë persona të riatdhesuar sipas rregullores Nr. 13/2017 për Riintegrimin e Personave të Riatdhesuar. Ata janë të obliguar që personalisht të marrin pjesë në fazat e Programit dhe të jenë drejtpërsëdrejti të përfshirë në zhvillimin dhe realizimin e biznesit. Kandidatët e kualifikuar dhe pjesëmarrës në Program duhet të jenë persona të riatdhesuar (të verifikuar vetëm përmes SMR) të regjistruar si të papunë në Zyret e Punësimit (ZP). Kandidatet te cilet kane të kryer trajnimin "Vetëpunësim" ose "Ndërmarrësi" në Qendrën e Aftësimit Profesional si dhe kryerja e ndonjë trajnim tjetër të akredituar si dëshmi se e njohin profesionin përkatës në kohën e aplikimit do të jetë përparësi.

### **Personave të papunë të grupeve në vijim do t'u ipet prioritet:**

- të papunët afatgjatë (më shumë se 12 muaj);
- të rinjtë (18-29 vjeç);
- gratë;
- të mbijetuarit e dhunës në baza gjinore;
- përfitues të ndihmës sociale;
- personat e vetëm, me një ose më shumë anëtarë që varen nga ai/ajo (prindër vetëushqyes);
- personat nga viset rurale;
- personat me aftësi të kufizuara;
- grupet e pakicave etnike,
- personat që e kanë përfunduar skemen e Trajnimit në Punë në kuadër të skemave të ofruara në Zyret e Punësimit.

### **Personat që nuk kualifikohen për aplikim janë ata persona të cilët:**

- nuk janë të regjistruar në ZP;
- nuk janë persona të riatdhesuar;
- kanë përfituar më herët plan biznesi ose masa tjera aktive të punësimit (subvencionim në pagë);
- janë në konflikt të interesit me palë të përfshira dhe vendimmarrëse në Program;
- nese janë të riatdhesuar për herë të dytë ose më shumë;
- personat që kanë biznes të regjistruar në Agjencinë e Regjistrimit të Bizneseve të Kosovës;
- të riatdhesuarit ose familjarët e të cilëve kanë përfituar plan biznesi siç është definuar në rregullore.

### **Mbështetja nga Programi**

Programi i Vetëpunësimit do të sigurojë **mjete dhe pajisje teknike bazike** sipas profileve të pranuar në këtë shpallje **për çdo plan të biznesit të zhvilluar me sukses** që është miratuar në kuadër të procesit të përzgjedhjes ku do të ofrohet mbështetje sipas planit të biznesit.

*Aplikantët që sigurojnë kontribut financiar **(jo-obligativ)** me minimum 500.00 Euro, do të marrin pikë shtesë nga vlerësimi i planeve të biznesit (3 pikë prej 100 në total - vetëm në rast se sillet dëshmi). Nëse shuma e kontributit është më e vogël se ajo e përmendur më lartë, nuk do të ipen pikë shtesë.*

Përparësi do t'u jepet aplikantëve përdorin qasje inovative, që kursejnë energji elektrike, përdorin burime të ripërtëritshme të energjisë, si dhe biznese që krijojnë së paku 1 vend pune (vetëm për të papunët e regjistruar).

## **Kriteret e vlerësimit të Biznes Planeve**

Çdo plan i biznesit vlerësohet në dy faza :

### 1. Verifikimi Administrativ

Verifikimi administrativ konsiston në **verifikimin e plotësisë dhe vërtetësisë së dokumenteve të kërkuara nga Programi. Disa nga elementet që verifikohen janë:**

- Modeli i planit të biznesit dhe bashkëlidhjet;
- Posedimi i çertifikatës së trajnimit ( konsiderohet perparesi);
- Statusi i riatdhesimit (kopje nga **Sistemi i Menaxhimit të Rasteve**)
- Posedimi i referencave nga punëdhënësit paraprak (me informata të sakta mbi punëdhënësin dhe e vulosur)
- Posedimi i çertifikatave për njohjen e profesionit, diplomave etj.

### 2. Vlerësimi teknik

Vlerësimi bëhet nga dy ekspertë. Secili ekspert vlerëson planin e biznesit dhe nuk diskuton vlerësimet e tij/saj me të tjerët. Nëse ndryshimi ndërmjet rezultateve të dy ekspertëve është më i madh se 15 pikë, plani i biznesit i jepet një tjetër eksperti për një vlerësim të tretë. Rezultati përfundimtar për këtë plan të biznesit është rezultati mesatar i dy vlerësimeve. Ekspertët e vlerësimit bëjnë vlerësimin e dokumenteve të dorëzuara në bazë të 2 (dy) kriterëve të përshkruara sipas formularit të vlerësimit të planit të biznesit.

Rezultati maksimal është 100 pikë dhe matet sipas kriterëve të mëposhtme:

- Realizueshmëria financiare e biznesit;
- Resurset në dispozicion për biznesin – objekti, paisjet, furnizimet dhe stafi;
- Njohja e llojit përkatës të biznesit, organizimi i biznesit dhe menaxhimi i rrezikut;
- Vlerësimi i tregut, njohja e konkurrencës dhe marketingu.

## **Si të aplikoni**

Të gjithë personat e interesuar që plotësojnë kushtet për aplikim, të kompletojnë **Formularin e aplikimit për plan të biznesit** dhe ta dorëzojnë atë përmes postës elektronike: [almp.ks@undp.org](mailto:almp.ks@undp.org) deri me datën e paraparë në thirrjen për aplikim të shpallur në web site të MPMS dhe APRK-së. **Në linkun në vijim, janë udhëzimet se si ta plotësoni planin e biznesit, hap pas hapi:**

[https://www.youtube.com/channel/UCze7p4yt6uv6VKuloQs8JAA?vieë\\_as=subscriber](https://www.youtube.com/channel/UCze7p4yt6uv6VKuloQs8JAA?vieë_as=subscriber)

Aplikantët janë të obliguar të sigurojnë si bashkëlidhje në menyre elektronike *Formularin e Aplikimit CV-në e tyre nga SIMP (nga Zyra e Punësimit)*, çertifikatën e trajnimit në Qendrën e Aftësimit profesional (nese e posedojne), çertifikatën e trajnimit nga ndonjë organizatë tjetër e akredituar, dëshmi mbi kualifikimin dhe përvojën e tyre që përputhet me idenë e

paraqitur të biznesit si dhe dokumentet tjera përcjellese të cilat përshkruhen në Planin e Biznesit (Pjesa e Udhëzimeve).

**Çdo aplikacion i dërguar i pa plotësuar me dokumentacion përkatës dhe pas afatit të fundit të shpallur ne posten elektronike [almp.ks@undp.org](mailto:almp.ks@undp.org), konsiderohet i pavlefshëm.**

**Data e fundit e dorëzimit të aplikimeve është e Hënë 31 gusht 2020, në orën 14:00.**

**Secili aplikant mund të aplikojë me vetëm një plan të biznesit (një anëtar për familje). Aplikantët të cilët posedojnë biznese të regjistruara në ARBK dhe këto biznese nuk i kanë aktive, duhet të sjellin dëshmi që e kanë filluar procedurën e mbylljes së biznesit jo aktiv që figuron si i regjistruar në sistemin e ARBK-së.**

**Informata të detajizuara mund të gjeni në thirrjen për aplikim dhe udhëzime tek formulari i aplikimit.**

Informata shtesë dhe Formulari i Aplikimit mund të gjenden në:

<https://apr.krs-gov.net> dhe <https://mpms.rks-gov.net> dhe në secilën Zyrë të Punësimit në Kosovë.

Në rast se keni pyetje shtesë për programin e vetëpunësimit, ju lutem kontaktoni Zyrën e projektit përmes postës elektronike: [almp.ks@undp.org](mailto:almp.ks@undp.org)

### **Rreth projektit ALMP2 në UNDP Kosovë**

Objektivi kryesor i Programeve Aktive të Tregut të Punës (PATP/ALMP) është përmirësimi i kapaciteteve të institucioneve të tregut të punës për të hartuar politikat relevante të përgjegjshme-gjinore në nivelin qendror dhe ofrimi i shërbimeve të integruara në nivel lokal, duke u fokusuar në grupet më të cënueshme në mesin e të papunëve.

Gjithashtu, projekti ofron mundësi për punësim dhe trajnim për personat e papunë të regjistruar në zyret e punësimit në të gjithë Kosovën, përmes programeve të ndryshme aktive si: Subvencionimi i Pagave (SP), Trajnim në Punë (TP), Praktikë në Punë (PP) dhe Vetëpunësim (VP).

## **PROFESIONET E PRANUARA PËR TË CILAT OFROHEN MJETE DHE PAJISJE SIPAS SEKTORËVE:**

- Përpunimi i ushqimit dhe industria e paketimit:
  - **Përgaditja e ëmbëlsirave,**
  - **Përgaditja e ushqimeve të shpejta,**
  - **Përpunimi i mishit (përgaditja e produkteve të bluara).**
- TIK krahas me kontraktimin e jashtëm të proceseve të biznesit dhe sektori i qendrave të mbështetjes për konsumatorë:
  - **Zhvillimi i Programeve**
  - **Servisimi i paisjeve në kuadër të TIK**
  - **Printimi i dizajneve për suvenire**
- Ndërtimtaria:
  - **Instalues i ngrohjes qendrore**
  - **Suvatues dhe Fasadues**
  - **Instalues i sanitarisë/qeramikës**
  - **Instalues elektrik**
  - **Murator**
- Industria e përpunimit të metalit:
  - **Saldues/Metalpunues**
- Industria e tekstilit:
  - **Rrobaqepës**
  - **Qëndisje**
- Industria e përpunimit të drurit:
  - **Zdrukthëtar/Mobileri**
- Tjera:
  - **Floktar/Berber,**
  - **Auto-Mekanik,**
  - **Auto-Ngjyrosje,**
  - **Gomister,**
  - **Auto-Larje.**

**Vërejtje: Aplikanti duhet të zgjedhë vetëm njërin nga profilet e lejuara**

**Profile tjera që nuk janë listuar në këtë listë nuk mbështetën nga Programi.**

**Ofertat/faturat nuk pranohen si dokumentacion përbërës në kuadër të aplikimit.**

**Pako e paisjeve është e përcaktuar sipas profilit.**

## **COVID-19**

### **KUJDES I VEÇANTË gjatë procesit të aplikimit:**

- Bartja e maskave, mbajtja e distances dhe larja e duarve sipas udhëzimeve nga IKSHP-së dhe OBSH-së.
- Në çdo zyre do të mbahet distanca në të gjitha hapësirat prej 2 metrave.
- Asnjë aplikues nuk lejohet të hyjnë brenda institucioneve pa maskë.